

# 永樂大典

卷一萬三千一百  
九十

永樂大典卷之一萬三千一百九十

一送

衆

示衆

禪林類聚示衆門云六祖大師示衆云吾有一物無頭無尾無名無字無背無面諸人還識麼時荷澤神會乃出云是諸佛之本源乃神會之佛性師乃打一棒云這饒舌沙彌我喚一作物尚不中豈况本源佛性此子向後說有一把茅蓋頭也只成得箇知解宗徒 檗山頽禪師示衆云似地擎山不知山之孤峻如石含玉不知玉之無瑕 南泉頽禪師示衆云喚作如如是變了也今時師僧須向異類中行歸宗闍乃云雖行畜生行不得畜生報師云孟八郎又恁麼去 南泉示衆云心不是佛智不是道 南泉示衆云我十八上便會作活計趙州云我十八上便會破家散宅 南泉示衆云江西馬大師說即心即佛王老師不知恁麼不是心不是佛不是物恁麼道還有過麼 馬頭藏禪師示衆云知而無知不是無知而說無知後南泉云與麼依師道始得一半 黃檗運禪師示衆云汝等諸人盡是噎酒糟漢與麼行脚可處有今日還知大唐

永樂大典卷一萬三千一百九十

一

國裏無禪師麼時有僧出云只如諸方匡徒領衆又作麼生師云不道無禪只是無師 滿山祐禪師示衆云今時人但直下會取不會底正是你佛正是你心若向外求一知一解將為禪道且沒交涉名運糞入不名運糞出汗你心田所以不是道 大慈寰中禪師示衆云山僧不解答話只是識病時有僧出師便歸方丈 大慈示衆云說得一丈不如行取一尺說得一尺不如行取一寸 趙州論禪師示衆云今夜答話去也有解問者出來時有僧出作禮師云比來拋軌引玉引得箇整子 趙州示衆云纔有是非紛然夫心還有答話分也無有僧舉似洛浦浦扣齒又舉似雲居居云何必僧回舉似師師云南方大有人喪身失命僧云請和尚舉師纔舉僧便指傍僧云這箇師僧舉却飯了作甚麼語話 趙州示衆云不得開過念佛念法僧便問如何是學人自己念師云念者是誰云無伴師叱云這驢 牛頭微禪師示衆云三世諸佛用一點伎倆不著天下老師口似匾擔諸人作麼生大不容易除非知有餘莫能知也 洞山价禪師示衆云言無長事語不投機承言者喪滯句者迷 臨濟玄禪師示衆云但有問訊不虧欠伊總識得伊未處與麼來者恰似失却 不與麼來者無繩自縛一切時中莫亂斟酌會與不會都來是錯分明與麼道一任天下

人既利。臨濟示衆云夫一句語須具二玄門一玄門須具三要。有禪有  
用。汝等諸人作麼生會。一本小異。睦州耽禪師示衆云。你等諸人還得箇  
入頭處也。未若未得箇入頭。須得箇入頭。若得箇入頭。不得辜負老僧。  
睦州有時示衆云。忽然忽然。睦州示衆云。我見百丈。不識好惡。犬衆繞  
集。以拄杖一時打下。復召大衆。衆迴首。又云。是甚麼。有甚共語處。黃檗和  
尚亦然。復召大衆。衆迴首。又云。月似彎弓。少雨多風。猶較些子。睦州示  
衆云。列開也。在我捏來也。在我。有僧問。如何是列開。師云。三九二十七。菩  
提涅槃。真如解脫。即心即佛。我且與汝道。你又作麼生。云。某甲不與麼道。  
師云。蓋于落地。標于成七片。云。如何是捏聚。師缺手而坐。睦州示衆云。  
大事未明。如喪考妣。大事既明。如喪考妣。三聖然禪師示衆云。我達人  
即出。出則不為人。與化聞云。我達人即不出。出則便為人。三角印禪師  
示衆云。若論此事。殿上眉毛。早是蹉過了也。時麻谷出問。殿上眉毛。即不  
問。如何是此事。師云。蹉過了也。谷便掀倒禪床。師便打。白水仁禪師示衆  
云。尋常不欲向聲前句後。鼓弄人家男女。何故且聲不是聲。色不是色。時  
有僧問。如何是聲不是聲。師云。喚作色。得麼。云。如何是色不是色。師云。喚  
作聲。得麼。僧作禮。師云。且道。為汝說。答汝話。若人辨得有箇入處。曾山

本寂禪師示衆云。諸方盡把格則。何不與他道。一轉語教伊不疑去。雲門  
便問。密密處。為甚麼。不知有師云。只為密密。所以不知有云。此人如何親  
近。師云。莫向密密處親近。云。不向密密處親近。時如何。師云。始解親近。雲  
門云。諾。諾。雪峰存禪師示衆云。三世諸佛。是草裏漢。三經五論。是繫驢  
橛。八十卷華嚴。是村草步頭。博飯喫底。言語十二分教。是蝦蟆口裏事。還  
知麼。所以道。如今千百人中。若有一人大肯去。我作驢駝物。供養他。有甚  
麼過。本空禪師示衆云。只這施為。動轉合得。本來祖翁。麼。若合得十二  
時中。無虛棄底。道理。若合不得。喫茶說話。住住喚作茶話。在僧便問。如何  
免得成茶話。去。師云。你識得口也。未云。如何是口。師云。兩片皮。也不識。云。  
如何是本來祖翁。師云。大衆前。不要辜爺侍娘。云。大衆。忻然去也。師云。你  
試點大衆。性看。僧禮拜。師云。伊住道。一性。一切性。在僧欲進語。師云。辜負  
平生。行脚眼。便下座。乾峰禪師示衆云。舉一不得。舉二放過。一着。落在  
第二。雲門出衆云。昨日有人。從天台來。却住住山。去。師云。典座。明日不得  
普請。便下座。洞山度禪師示衆云。祖師門下。鳥道玄微。功窮皆轉。不究  
難明。汝等諸人。直須離心意識。參出聖凡。路學方可。保任。若不如是。非吾  
子息。夾山會禪師示衆云。百草頭。薦取老僧。關市裏。識取天子。夾山



永樂大典

卷一三二九〇

示衆云明不越戶。元不換業。目不顧他位。脚不踏他位裏。六戶不掩。四衛無瑕。學不停于意。不立玄。十劫眼不借舌頭底。萬劫舌頭不顧眼中明。峻嶽不做鋒銳事。到這裏有箇甚麼事。鬧梨芋頭絲線。從君弄不犯清波意。自休。雲門偈禪師示衆云。人人自有光明在。看時不見暗昏昏。作麼生是諸人自己光明。自代云。厨庫三門又云。好事不如無。雲門示衆云。你若不相當。且覓箇入頭處。做麼諸佛在你舌頭上。三藏聖教在你脚跟底。不如悟去好。還有人悟得麼。出來對衆道看。雲門示衆云。直得觸目無滯。連得石身。身一切法空。山河大地是名身。亦不可得。喚作三昧性海。俱備猶是無風匝匝之波。直得亡知於覺。覺即佛性。矣。喚作無事人。更須知有向上一竅在。雲門示衆云。直得乾坤大地無纖毫過患。猶是轉句。不見一色。始是菩提。更須知有全提時節。雲門示衆云。只這箇帶累殺人。雲門示衆云。舉不顧即差互。擬思量何劫悟。金峰志禪師示衆云。事存函蓋。合理應箭鋒。挂美有人道得麼。若有人道得。金峰分半院。與他住。時有僧出作禮。師云。相見易得好。又住難為人。便下座。金峰示衆云。我若舉來。又恐遣人骨吻。如不舉來。又恐遣人恠笑。於其中間。如何。即是有僧纒出。師便歸。方丈至晚。有僧請益云。和尚今日垂語。有僧問。為甚麼

永樂大典卷一萬三千二百九十

三

不答。師云。大似夫錢。遺罪。金峰示衆云。老僧二十年前有老婆心。二十手後無老婆心。時有僧出問。如何。是二十年前有老婆心。師云。問。凡答。凡問。聖答。聖云。如何。是二十年後無老婆心。師云。問。凡不答。凡問。聖不答。聖係。福履禪師示衆云。此事如擊石火。似閃電光。搆得搆不得。未免喪身。失命。時有僧問。未審搆得底人。還免喪身失命也。無師云。道來。且致。鬧梨。還搆得麼。云。若搆不得。未見大衆笑。惟師云。作家作家。云。是甚麼心。行。師云。一狗屎。擲面。潑也。不知。是。玄沙備禪師示衆云。常將汝等諸人。放頂額上。不敢錯誤。諸人。一絲毫子。長慶梭禪師示衆云。總似今日。老胡有望。雲居膺禪師示衆云。孤迥迥。峭巍。却僧云。會麼。云。不會。師云。汝面前。泰山子。也不會。雲居示衆云。得者不輕。微明者不賤。用識者不咨。嗟解者無厭。惡。從天降下。則貪寒。從地湧出。則富貴。門裏出身。易。身裏出門。難。動則埋身。千丈。不動則當處。生苗。一言。迦脫。獨拔。當時言語。不要多。多則無用處。泰山仁禪師示衆云。不辜負平生眼目。致箇問來。有麼。時有僧出作禮。師云。負我。且從大衆。何也。便歸。方丈。後有僧請益云。和尚陞座。云。負我。且從大衆。何也。意旨如何。師云。齋時有飯。與你喫。夜間有牀。與你睡。一向煎逼我。作甚麼。僧作禮。師云。苦苦云。乞師指示。師垂一足云。舒縮

一任老僧 法眼益禪師示衆云盡十方世界皎皎地無一絲頭若有一  
 絲頭即是一絲頭 同安察禪師示衆云洪音不割其理不彰設使不言  
 且道是分不分時有僧出云不分師云若不是聞梨老僧不曉云同安風  
 米无解水消師云養由弓矢不射田蛙僧作禮師云將謂是得便宜 同  
 安示衆云黃脯飲啄無處藏身你道有此道理麼僧云和尚作麼生師打  
 一拂士僧云撲手狂人徒誇好手師云握鞭側帽豈是聞黎云今古之道  
 何處藏身師云聞黎作麼生僧珍重使出師云未在 大陽玄禪師示衆  
 云嗟哉萬仞鳥道難通 劍刃輕冰誰當履踐宗來妙句語路難陳不二法  
 門淨名杜口所以道達摩西卷九平而壁始遇知音大陽今日也大無端  
 珍重 鼓山岳禪師示衆云我若全舉宗來汝向甚麼處領會所以向汝  
 道古今常露體用無妨 寶應顯禪師示衆云欲得易會麼第一莫將問  
 來問問在答處答在問處你若擬議老僧在你脚底 雙峰禪師示衆云  
 進一步則迷理退一步則失事 鏡你一向兀然去又同無情時有僧問如  
 何得不同無情去師云動靜施為云如何得不迷理失事去師云進一步  
 退一步僧禮拜師云向來有一僧恁麼會老僧不肯伊在僧云請師直指  
 師便打 道吾禪師示衆云高不在絕頂富不在福嚴樂不在天堂苦不

永樂大典卷萬三千百九十

四

在地獄相識滿天下知心能幾人 香巖端禪師示衆云語是謗寂是誑  
 語寂向上有路在老僧口門窄不能為汝說得 百丈但禪師示衆云百  
 丈有三訣喫茶珍重歇直下若承當知君猶未徹 風穴沼禪師示衆云  
 若立一塵家國興盛野老頓覺不立一塵家國喪亡野老安貼於此明得  
 聞黎無於全是山僧於此不明老僧即是聞黎聞黎與老僧亦能悟却天  
 下人亦能迷却天下人要識聞黎麼左邊拍一拍云這即是要識老僧麼  
 右邊拍一拍云這裏即是 你壽恩禪師示衆云三界唯心萬法唯識檻  
 外雲生唇頭而滴澗水湛如染野花開似織此時若不究根源謾向當來  
 問彌勤還會麼不勞久立 首山念禪師示衆云第一句薦得與佛祖為  
 師第二句薦得與人天為師第三句薦得自救不了僧問和尚是第幾句  
 薦得師云月落三更穿市過 汾陽昭禪師示衆云凡一句語須具三玄  
 門每一玄門須具三要路有玄有要有照有用或先照後用或先用後照  
 或照用同時或照用不同時或先照後用且要共你商量或先用後照也  
 須是箇人始得或照用同時你又作麼生當抵或照用不同時你又作麼  
 生溘泊 浮山遠禪師示衆云欲得鷹俊麼仍須四事俱備方顯宗師蹊  
 徑何謂也一者祖師已鼻二具金剛眼睛三有獅子爪牙四得衲僧活

麼出來看時有僧繞出師云不是作家出去僧問如何是第一句師云要頭便研將去佛書語錄翻府華嚴長老示衆佛法事在日用處在你行住坐卧處喫茶喫飯處言語相問處所作所為舉心動念义却不是也會麼若會得即今無礙自在真人若也未會則是箇擔枷帶鎖重罪之人何致如此佛汝不遠隔塵沙劫你一念中見得在你眉毛鼻孔上你若不見得如接竹點月在處切莫思惟不可言語你時中承何恩力若知得你須有箇歡喜處古人道常寂寂常歷歷諸佛不求覓衆生斷消息你會得麼一切諸法本無情一切諸佛本自靈混然同太虛無欠亦無餘會麼若不直是箇觸途成滯不知箇身落地處茫茫劫劫只是戀物著境認色為寶不捨恩愛癡迷財寶立我爭人一團子意氣些子箇違情面青面赤說強道弱我不受人欺瞞我是大丈夫兒養妻養子你豈知在業海之中罪坑之內喫肉如似餓鬼吞屍噎酒如餓狗飲水變色如渴蠅啞血不知此身是大禍患恣縱無明愚養意氣不久敗壞浪死虛生枉經千劫徒然出沒何不識取金剛堅固之體長生不滅之道在世頭拚拚地口于吧吧地眼于眨眨地無常殺鬼到來向林上猶似使心用行戀財戀境驀然驅去見閻老子一詞不措鐵爐火炭銅柱刁山盡是戲說恁時追悔大段難為免



離你如今病未尋身何不於十二時中求一毫善利辨取津梁幻化色  
身憑何為寶諸佛過去留經造論一切善法與你初學底人懺滅罪障漸  
漸增長利益求善知識開示解脫法門向無明性中認取箇真實主人於  
萬劫中得箇人身也不容易你還知箇身本性與佛同時本無欠少有一  
大事在你尿囊裏糞堆頭光燦燦地圓陀陀地還信得及麼若信不及也  
從你深坑罪海永墮沉輪你若迴光返照於一刹那間即心念息時中迷  
惑煩惱癡暗狂情頓息消滅諸緣境界轉為甘露醍醐安樂國土豈不是  
好否聖人道萬法從心生萬法從心滅皆由你心善惡也只由你心地獄  
天堂也只由你心只今相應與佛合智即是佛也更無相誑直下奉信無  
疑心即正覺又何必歷僧祇大劫此身今生甚大難遇莫道你是凡夫自  
家退屈千經萬論皆為眾生迷亂不識本性你暫時間那取此子貪物底  
工夫看經上義理只言眾生被一切境攝著慾之故山僧苦口實為切切  
你還肯麼你還信麼尋常著寒著熱此子違情喫辛受苦不得却於日用  
時中自不醒悟整頓取心好為取身好百年如箭富貴如夢恩情也只不  
久百年無多日明白是病未病是業債未業債是死未死是地獄未你真  
道我為人早生好心吉善只依本分不作惡事我無罪過別教你有箇好

生處我即今朝未信你在何故你平等在甚處你還知否不依佛法一切  
法皆是邪法外道見解更莫說擔人擔我貪色貪財貪魚咬肉妄言綺語  
日費上事罪業極深你莫道我捨財造塔起殿設僧轉經便為長久功德  
以此為寶未可託倚衆中老和尚也為你不得你還知麼你有千般萬種  
無明罪業佛亦為你不得須是你自家着力前程自辨你若作一切有為  
功德只是造業增長頑福不生箇清淨知見山僧雖然承德供養日夜不  
安為慮未是在還知麼一任你說向諸方耆宿笑我也嫌山僧不得欲問  
你施主得錢處想你應不濟潤於人不救拔貧苦者了得了取契休了取  
著休早修行休度此身休悔取心休伏惟珍重石門聽禪師  
示衆云學般若若菩薩須具般若眼不具般若眼即被般若護却你去作麼  
生是上座般若眼出來對衆道看良久云沉却也珍重又云一句為君  
說諸法及時節冬月是冬寒夏熱是夏熱甚處不周旋何勞苦施設施設  
言詞盡須決更擬問如何船底用鎖鐵龍門遠禪師退院離褒禪衆  
上堂舉六祖大師示衆云汝等速理舟楫吾欲歸新州去弟子曰和尚去  
後早晚却回祖曰葉落歸根來時無口師云是什麼說話去了却更來做  
什麼不見東山先師道大小大祖師猶欠悟在呵呵大笑云諸人還會得

# 永樂大典

卷一三二九〇

麼聽取一頌歸猿得首復何論。洞口春人半掩門。花落已隨流水遠。空留  
暮景野雲屯。首山念禪師小叅示衆云。老僧擬欲歸鄉。什麼人隨得去。  
時有僧問。未審和尚什麼時去。師云。待有伴。即向汝道。僧云。無伴底事。作  
麼生。師云。盡日不逢人。明明不知處。僧云。忽遇一人。又作麼生。師云。迷子  
不歸家。夫却未時。路僧云。請師指箇歸鄉路。師云。枯木虀龍。不存依倚。僧  
云。和尚什麼時節。却回。師云。不去。不知音。六國無消息。僧云。正當歸鄉底  
事。又作麼生。師云。獨唱胡家曲。無人和。侍齊。僧云。忽遇知音。在時如何。師  
云。山上石人齊。拍掌漢邊野。老笑呵呵。僧云。歸鄉回來底事。又作麼生。師  
云。八國奉朝衣。四相無違改。僧云。求審居何位。次。師云。文殊不坐金臺殿。  
自有道。逸竹拂枝。問如何。是梵音。師云。驢鳴狗吠。問如何。是截徑一路。師  
云。或在山間。或在樹下。問如何。是和尚。不欺人底。眼。師云。看看冬到來。僧  
云。畢竟如何。師云。即便春風至。問。遠聞和尚無絲可挂。及至到來。爲什麼。  
有山可守。師云。道什麼。僧便喝。師亦喝。僧禮拜。師云。放你三十棒。久立衆。  
憊。伏惟珍重。佛果勤禪。師示衆云。釣頭有餌。句裏無絲。已泛扁舟。放行  
綸線。還有衝浪錦鱗。麼。僧出云。有。師云。高着眼。僧擬議。師云。若問錦官罷。  
釣澤國。重游方。爲萬壽之賓。又作碧巖之主。流水下山。即不問白雲歸洞。

永樂大典卷一萬三千二百九十一

七

意如何。師云。舊店新開。進云。好音在耳。人皆聳一句。無私亘古今。師云。大  
家在這裏。進云。萬丈白雲。蔽不得一輪光。透照無私。師云。到家一句。作麼  
生。道僧擬議。師云。了。師乃云。目前無異草。徧界絕遮欄。域中日月。斬新方  
外。乾坤獨露。直得龍天。釋梵動地。雨花妙德。空生目瞪。口舌行。棒行。喝拈。  
向一遺雲。月溪山放過。一著一處。透脫千處。百處。該通一機。洞明千機。萬  
機。圓轉碧岩。不離此處。此處不離碧岩。攝大千於毫端。融芥塵於剎海。街  
花鳥。過抱子猿。歸湛寂。然應真。不借則且致。只如無陰陽地上。成得箇  
什麼。邊事。萬并正資和氣。力碧崑崙。先發一枝春。復舉馬大師。問藥。以子在  
此。許多時。本亦事。作麼生。山云。皮膚脫落盡。唯有一真實。祖云。據汝所見。  
可謂協於心。跡。而布四肢。何不將三條。篋束。取肚皮。隨處住。山去。山云。某  
甲何人。敢言住山。祖云。不然。未有長行。而不往。未有長住。而不行。欲益無  
所益。欲為無所為。宜作舟航。由是住山。師云。大眾。古人得意之後。不忘利。  
生。直入深山。提持宗要。山僧暗昧。豈敢仰攀。如是則更不用。篋束。肚皮。却  
有箇折脚。鑄子。與方來。若守寂寥。若信得。及不在。切切。或未。諸詳。聽取。箇  
本。後句。高峰。突兀。倚天門。青嶂。虛閑。可。踪。跟。折脚。鑄兒。幸。然。在。不妨。携。去。  
隱深雲。雖然。如是。也。須是。大家。出一隻手。始得。且。道。畢竟。如何。妙。舞。應。須。



誇偏拍三臺須是大家僕因示衆 辨道應須辨自心 心真觸處是通津  
 直明格外無生忍端作區中解脫人 吸盡西江龍老只將將妙喜淨名身  
 八風五欲莫能轉解向塵中轉法輪 佛鑑和尚忌辰示衆 去年正今  
 日泥牛闖入海今年正今日偏界舒光彩 虛空無相身佛鑑儼然在非色  
 亦非心不小復不大利石可移動箇中無變改 要知佛鑑息各人明主宰  
 一句逗群機志心常頂戴且道是那一句喫飯咬著沙 又云十虛同一  
 漚寧分彼此大千同一塵豈有去來若能各人明見本心顯發妙用通天  
 作略動靜一如匝地風光彼此無二位也浮雲凝於幽谷去也虛舟泛於  
 長江去住本自圓成解脫更無異路如是則全起全滅全動全靜全去全  
 來全收全放且出門一句作麼生道頭頭物物皆成現正眼當陽廓太虛  
 復云三年承乏幸忝陪道業荒虛塊不材赴詔直從天外去何時相與復  
 徘徊退院歸群衆上堂云未有長行而不信未有長住而不行為無為益  
 無益梯航三有津濟四生是衲僧家本分事雖然時節到來一刀兩段要  
 且鼻孔不在別人手裏所以道動若行雲止猶谷神既無心於彼此亦無  
 象於去來如是則去來不以象動靜不以形宜不綽綽然有餘裕哉且道  
 臨行一句作麼生道本是林下人却歸林下去下座 又云德山小叅不

永樂大典卷一萬三千二百九十

答話打鎖敲枷趙州小叅要答話將杖探水索寧今夜也不管答話亦不  
 管不答話偶然向衣單下拾得箇十年桃核舉似大眾乃橫拄杖云爾諸  
 人若也恁麼坐斷天下人舌頭復以往杖卓地云爾諸人若也恁麼入地  
 獄如箭射且道利害在什麼處若不同床則馬知被底穿下座 又云終  
 日相逢長背面終朝背面却相逢途中不是途中事不動巍然達九重這  
 箇消息唯許作家明暗同途主賓互用雖去似去而不去雖來似來而不  
 來卓爾超然動靜曾無兩種所以道動若行雲止若谷神既無心於彼此  
 亦無象於去來如是則去來不以象而確然去來動靜不以心而超然動  
 靜在彼在此殊無間然一道清虛廓周沙界是以月上女出城舍利弗入  
 城而舍利佛問云聖姊向什麼處去月上女云如舍利弗恁麼去舍利弗  
 云我方入城汝已出城云何言如舍利弗恁麼去女云諸佛弟子當住何  
 所舍利弗云諸佛弟子當住如來大解脫女云諸佛弟子既住大解脫所  
 以我云如舍利弗恁麼去既得如來大解脫去而無去去迹入九重城裏  
 毗贊聖化住而無住住蹤在深山白雲中生斷天下人舌頭既住如來大  
 解脫安有動靜去來之意正當恁麼時作麼生道九重城裏真消息一句  
 無私適九垓復云憶得曹山和尚辨洞山山云向什麼處去山云向不變

異處去洞山云不變異處豈有去耶山云去亦不變異師云大凡衲僧佩  
肘臂下符具頂門上眼向一切萬境萬緣當頭生斷豈不是箇無變異何  
故金剛正體湛寂凝然曹山雖得此意爭奈洞山憐兒不覺醜若是山僧  
待他道向不變異處去只向他道這漢未出門早變了也明覺顯禪師  
一日小叅示衆云須菩提巖中宴坐諸天雨花讚歎尊者云空中雨花讚  
歎復是何人云我是梵天尊者云汝云何讚歎天云我重尊者善說般若  
波羅蜜多尊者云我於般若未曾說一字汝云何讚歎天云尊者無說我  
乃無聞無說無聞是真說般若波羅蜜多又復動地雨花師云避喧求靜  
處世未有其方他在巖中宴坐也被者一隊漢塗糊伊更有者老把不住  
問云空中雨花讚歎復是何人早見欺騙了也我重尊者善說般若波羅  
蜜多惡水著頭潑我於般若未曾說一字草裏走尊者無說我乃無聞識  
甚麼好惡總似者般若底何處有今日師復召大衆雪竇幸是無事人爾未  
者裏見箇甚麼以拄杖一時趁下大愚芝禪師小叅示衆云僧中有奇  
人俗士中亦有奇人聖朝揚德侍郎有頌云八角磨盤空裏走金毛師子  
變作狗擬欲藏身北斗中應須合掌南辰後師云要會麼一偈播諸方塞  
斷衲僧口下座法華舉禪師小叅示衆云諸上座佛法有什麼事也莫

永樂大典卷一萬三千一百九十

見老和尚道無事便無事去法身無為不墮諸數古德道不信佛善提是  
則解空第一所以道說佛說祖談玄談妙皆屬增減語既然如是諸人又  
向什麼處參須具行脚眼始得乃拈拄杖云有人道得麼出來相見有麼  
有麼衆無對師云老僧今日失利真淨文禪師云最初一句子便要衆  
人知選會麼良久云符到奉行維那宣帖罷師乃云大衆諸佛出興於世  
總祇赴箇時節且道貧道今日赴箇什麼時節遂指法座召大衆云今日  
應無墜分明在目前便陞座乃云還有問話者麼時有僧問承古有言不  
見一法即如來方得名為觀自在如何是自在底事師云透七透八進云  
龍得水時添意氣虎逢山色長威猊師云暗進云前村深雪裏昨夜一枝  
開師云開言語問猶主慙慙伸三請今日當筵事若何師云新豐洞裏水  
潺潺進云若然者得聞於未聞去也師云且道聞底事作麼生僧提起生  
具師云杜撰禪和進云大衆證明學人禮謝師乃噓噓復云更有問話  
者麼良久乃喝云昔日大覺世尊起道樹詣鹿苑為五比丘轉四諦法論  
唯僑陳如最初悟道貧道今日向新豐洞裏只轉箇拄杖子遂拈拄杖向  
禪床左畔云還有最初悟道底麼良久云可謂丈夫自有衝天志不向如  
來行處行喝一喝下座師在筠州九峯辭衆晚參遂舉拂子云昔日世



尊拈花。迦葉微笑。今夜歸宗舉佛。大眾寂然。為復寂然者是微笑者是。又是箇什麼。只如歸宗舉佛與世尊拈花。是同是別。若言同法無同相。若言別豈有兩般。久參光德。聞舉便了。後進初機。却須子細。良久云。法法總歸宗。臨機要變通。靈源明妙處。平等主人翁。問。速離九峯大室。已屆歸宗道場。如何是不動尊。師云。鷓鴣啼處。百花香。進云。萎花風掃去。香水雨飄來。師云。今也如是。古也如是。進云。若然者。將爾少林消息。斷如今蹤跡。宛然存。師云。如何是少林消息。僧禮拜。師云。點即不到。師云。佛法要妙。但歸其宗。前歸宗也。自然無可不可。一切成現。海印發光。今與大眾同。已歸宗。住平等本際。敢問何者是宗。何者是要妙。良久云。祇為分明機。翻令所得遲。大惠果禪師宗。象恁麼恁麼。針到不入。不恁麼不恁麼。起挑不上。恁麼中不恁麼。鬼面神頭。不恁麼中卻恁麼。披毛戴角。阿呵呵。且道笑箇甚麼。我笑昔日雲門大師。有時云。聞聲悟道。見色明心。觀世音菩薩。將錢買餅。放下手云。元來只是饅頭。乃喝一喝云。人無遠慮。必有近憂。又云。過去諸如來。斯門已成就。拈拄杖。左邊卓一下云。且拈向左邊。現在諸菩薩。今各入圓明。右邊卓一下云。且拈向右邊。未來修學人。當依如是法。中間卓一下云。且拈向中間。二邊潭莫立。中道不須安。一切智智清淨。無二無

永樂大典卷一萬三千百九十

十

二分無別無斷。故昨日有人從淮南來。不得江西信。報道下江盜賊已平。雲門山頭。種田博飯。喫問著。禪道佛法。口似餘盤。乃喝一喝云。過來許多。葛藤向甚麼處去也。又卓一下云。有利無利。不離行市。又云。自從胡亂後三十年。不少鹽醬頂門具。眼衲僧到此。如何趣向。然究有頭債。有主雲門。今日和泥合水。向灰瘡癩上。更着艾炷。要與馬師相見。遂以拂子。面前畫一畫云。還是麼。折來離補西壁。眼見則親手。攬不及。釋迦彌勒。換手推背。文殊普賢。連聲叫屈。喝一喝云。馬面夜叉。纔稽首。牛頭獄卒。便擎拳。又云。永嘉道非。非不是。不是差之毫釐。失千里。是則龍女。頓成佛。非則善星。土陷墜。永嘉親見六祖。來要且只在是非裏。雲門即不然。非不是。不是。是你面看天。低頭觀地。惺惺時。真是惺惺。瞌睡時。一向瞌睡也。無佛法可商量。亦無塵勞可回避。有時。騰裏驚覺來。元是貓兒捉老鼠。又云。古人道。佗人住處。我不住。佗人行處。我不行。不是與人難共聚。大都縑素。要分明。喝一喝云。猶有遮箇。在雲門。即不然。佗人住處。我亦住。佗人行處。我亦行。管喜管厭。無理會。新羅夜半日頭明。且道與古人相去多少。試定當看。又云。心不是佛。智不是道。南來老人。和身放倒。至今數百年。未共其間。無數善知識。出世未曾有一人為佗扶起。雲門今日。擬將燈心。往須彌山。試



永樂大典

卷一三一九〇

為扶起者遂拈拄杖云南泉放倒雲門扶起故倒扶起有賓有主明眼衲  
僧商量切忌別作道理既許商量為甚麼不許作道理良久云相罵既汝  
挨背相唾既汝潑水卓一下又云諸法本來絕待觸目且無拘礙只因  
斷臂覓心便有人求懺罪無文卯子既成付法傳水廝賴致令盧老黃梅  
墜石腰間舂碓將謂有法與人間着卻言不會引得後代兒孫盡作鞞  
逐塊雖欲扶豎宗乘奈何東倒西僵仔細檢點將來直是令人巨耐若也  
盡令而行一擊須教粉碎有時靜坐思量就中也有可愛且道有甚麼可  
愛深沙共脩羅結親金剛與土地措背喝一喝又云拈拄杖卓一下云  
細不通風大通車馬突出當陽孰辨真假虛空有觸柄無子人能把跛驢  
蹋倒猶茶輪草菴瀉下瑠璃瓦又卓一下又云法法本來法無法無非  
法何於一法中有法有不法拈起拄杖云遮箇是拄杖子那箇是本來法  
又云遮箇是本來法那箇是拄杖子只今莫有斷得出底麼若斷得出非  
唯自有出身之路亦乃不受人謗若斷不出雲門既古去也開口即失閉  
口即喪如是如是遂卓一下云一推兩當復舉起云看看寒山捨得掃地  
倒轉若帚柄把露柱一撼勃跳上兜率陀天觸破非非想天人鼻孔毗盧  
遮那如來忍痛不禁走入雲門拄杖子裏藏身雲門一展呵呵大笑云料

永樂大典卷一萬三千九百九十九

十一

掉沒交涉正當恁麼時露柱與燈籠畫眉又增得多少光彩良久云有意  
氣時添意氣不風流處也風流又云路開正眼千聖固測其由一句全  
提萬別千差路絕識不可識智莫能知非聖非凡非心非法全體恁麼來  
全體如是住不見毗耶示疾文殊問言居士所疾為何等相維摩詰曰我  
病無形不可見又問此病身合耶心合耶曰非身合身相離故亦非心合  
心如幻故師云身相既離心亦如幻誰是示疾者誰是問疾者還證明得  
麼若證明得則諸人身病心病俱銷佛病法病齊遣便能回三毒為三聚  
淨戒回六識為六神通回煩惱為菩提回無明為大智便恁麼去猶是止  
啼之說未為究竟且究竟一句作麼生道良久云幻人心識本來無罪福  
皆空無所住喝一喝又云或是或非人不識逆行順行天莫測隔山人  
唱鷓鴣詞錯認胡茄十八拍遂舉拂子云遮箇只是摩牛尾拂子不得作  
是非逆順商量作麼生識作麼生測良久云無人過價打與三百擊禪牀  
一下又云入水不避蛟龍漁父之勇也陸行不避虎兇獵夫之勇也白  
刃臨前視死若生者將軍之勇也作麼生是衲僧之勇良久云大膽駕頭  
衝突過小膽衣鳴吉所由喝一喝又云有一人一生為善有一人一生  
造惡為善者一旦犯不與取戒造惡者一念了悟自心善人犯不與取戒

即名為賊。惡人丁悟自心即名為佛。二人同到雲門。着那一人即是着善人而卻惡人。則是着賊而卻佛。着惡人而卻善人。則是怕惡而欺善。若二人俱着則佛賊不分。若二人俱不着則善惡不明。若決定指佛是惡人則招謗佛之愆。入地獄如箭射。若指賊是善人。未有善人而做賊者。當人未具智眼在。到遮裏還有斷得者麼。若斷不得。雲門為諸人斷卻。賊是善人。為佛是惡人。做佛賊善惡人。不出遮兩箇。還會麼。拈拄杖。面前畫一畫。云。建昌紙貴。一狀領過。又云。荆林林。中善巷。釘更於驢。領探神珠。南山。斃鼻活拈得。乘興猶來。將虎鬚。如斯標致。未是作家。若到雲門。不勞拈出。直須入林不動草。入水不動波。坐籌帷幄之中。決勝千里之外。方有少分相應。正當恁麼時。不傷物義。一句作麼。主道。良久云。但將飯向無心。益自有人提折脚鐺。又云。拈拄杖云。休誇捧下無生忍。擬置當陽掣電機。未。肩已前。驀提得。遂卓一下云。一擊自然亡所知。喝一喝。又云。燒沙屑。吻。便落言詮。不落言詮。即沈寂默。沈寂默。則成誑。滯言詮。則成謗。不語不謗。不默不誑。須知。向上別有一路子。明眼底。知有。只是難近傍。遂拈拄杖云。拄杖子。卻近傍得。只是不知有。敢問大眾。近傍得底。不知有。知有底。近傍不得。正恁麼時。那箇在前。那箇在後。只今。眾中。真有不受人謗底麼。試出。

永樂大典卷一萬三千二百九十

十二

未定當有。良久云。若不藍田射石虎。幾子誤殺李將軍。卓一下。又云。多時不說禪。口邊生白醜。大眾苦相煎。便登曲录木。匪論五家宗。不引傳燈錄。纔開兩片皮。業因招薄福。釋迦乾屎橛。連磨老臭充。一人曲說直。一人直說曲。彼此大丈夫。肯受你涕尿。罵佛謗祖。師定入拔舌獄。佛祖生冤家。魔王真眷屬。心地黑漫漫。口裏水漉漉。似恁出家兒。定滅瞿曇族。臘月三十朝。大笑卻成哭。召大眾云。還識雲門村。叟麼曾聞一飽忘百飢。今日山僧身。便是喝一喝。又云。舉僧問。香巖如何。是道巖。云。枯木裏龍吟。僧云。如何。是道中人。巖云。鬮髯裏眼睛。僧又問。石霜如何。是枯木裏龍吟。霜云。猶帶喜在。如何。是鬮髯裏眼睛。霜云。猶帶識在。又問。曹山如何。是枯木裏龍吟。山云。血脈不斷。如何。是鬮髯裏眼睛。山云。乾不盡。遂有頌云。枯木龍吟。真見道。鬮髯無識眼。初明喜識。盡時消息。盡當人那。辨濁中清。園悟老人云。一人透語。滲漏一人透情。滲漏一人透見。滲漏師云。諸人。還揀得出麼。若揀不出。不惜眉毛。為諸人說破。香巖透語。滲漏。被語言縛。石霜透情。滲漏。被情識使。殺曹山。透見。滲漏。被見聞覺。知惑。殺分明。說了具眼者。辨取。又云。舉提婆。達多在地獄中。世尊令阿難傳問云。汝在地獄中。可忍受否。云。我雖在地獄中。如三禪天。樂世尊。又令阿難傳問。你還求出否。



云待世尊入地獄。我即出。阿難云。尊是三界大師。豈有入地獄分。云世尊既無入地獄分。我豈有出地獄分。師云。既無出分。又無入分。與甚麼作釋。迦老子。與甚麼作提婆達多。與甚麼作地獄。還委恁麼。自搗餅去。沽村酒。卻著衫來作主人。又云。舉招慶問羅山。有人問。巖頭庵中如何耕土。頭云。銅沙羅裏滿盛油。意作麼生。山召大師。慶應諾。山云。獼猴入道場。山卻問明招。或有人問你作麼生。招云。箭穿紅日影。師云。還會麼。獼猴入道場。箭穿紅日影。兩箇老古錐。擔雪共填井。喝一喝。又云。舉招慶善請擔泥。次中路按拄杖問僧云。上窟泥下窟泥。僧云上窟泥。慶打一棒。又問一僧。上窟泥下窟泥。僧云下窟泥。慶亦打一棒。又問明招。招放下泥擔。又手云。請師鑑。招慶便休。師云。招慶雖然休去。爭奈明招不甘雲門。當時若見你。放下泥擔。云。請師鑑。勞脊也。與一棒。看佗如何折合。又云。舉睦州問僧。近離甚處。僧云。河北。州云。河北有箇趙州和尚。上座曾到彼麼。僧云。某甲近離彼中州。云。趙州有何言句示徒。僧遂舉與茶話。睦州乃云。慚愧。卻問僧。趙州意作麼生。僧云。只是一期方便。睦州云。若哉。趙州被你將一杓屎潑了也。便打。後來雪竇云。遮僧克由。匡叡將一杓屎潑他。二負古佛。師云。雪竇只知一杓屎。潑佗趙睦二州。殊不知遮僧末上被趙州將一杓屎潑

了卻到睦州。又遭一杓。只是不知氣息。若知氣息。甚麼處有二負古佛。又云。舉僧問雲門。如何是趙佛越祖之談。門云。餽餅師云。雲門直是好一枚餽餅。要且無趙佛越祖底道理。又云。舉洞山云。須知有佛向上事。僧問。如何是佛向上事。山云。非佛。雲門云。若不得狀不得。所以言非。師云。二尊宿恁麼提持佛向上事。且緩緩。遮裏即不然。如何是佛向上事。拽拄杖勞脊。便打。免教伊在佛向上搵根。又云。舉石門。聰和尚云。十五日已前。諸佛生。十五日已後。諸佛滅。十五日已前。諸佛生。你不得離我遮裏。若離我遮裏。我有鈎。鈎你。十五日已後。諸佛滅。你不得住我遮裏。若住我遮裏。我有錐。錐你。且道。正當十五日。用鈎錐。一時息。更擬問如何。回頭日。又出師云。恢張三玄。三要扶。豎臨濟正宗。須是恁麼人始得。雖然如是。雲門即不然。十五日已前。諸佛本不曾生。十五日已後。諸佛本不曾滅。十五日已前。你若離我遮裏。我也不用鈎。鈎你。一任橫擔拄杖。繫梢草鞋。十五日已後。你若住我遮裏。我也不用錐。錐你。一任拗折拄杖。高挂鉢囊。且道。正當十五日。合作麼生。乃云。十五日。前後鈎錐。徒爾為。今朝是。十五。正好用鈎錐。且作麼生用。路逢死蛇。莫打殺。無底籃子。盛將蹄。又云。舉白雲。祥和尚問僧。不壞假名。而談實相。作麼生。僧云。遮箇是。倚于白雲。以手撥云。將鞵



蔡來僧對白雲云。遮處頭漢雲門問云。須是祥兒始得。師云。雲門扶杖不扶。獨爭奈。憐兒不覺。醜。遮僧當時若是箇漢。待他道。將糞糞來。便與揪倒。禪林直說。白雲牙如劍。樹口似血盆也。分疎不下。又云。舉石頭問長髭甚處來。髭云。嶺南來。頭云。大庾嶺頭。一鋪功德成就也。未髭云。成就。又云。只欠點眼在。頭云。莫要點眼麼。髭云。便請。頭垂下一足。髭使禮拜。頭云。子見箇甚麼。便禮拜。髭云。如紅纏上一點雪。師云。衆中商量甚多。或云。無眼功德。有甚點處。或云。莫要點眼麼。待他道。便請好。劈脊便打。若恁麼。未免穢污。遮功德。雲門即不然。待遮老漢。垂下一足。但道。起動和尚。又云。舉王大王。向雪峰會裏。請異。監寺住鼓山。雪峰與子上座。送出門。回至法堂上。乃曰。一隻聖箭。直射入九重城裏去也。子云。和尚是伊未。在。峰曰。渠是徹底人。子云。若不信。待某甲去勸過。遂往路中。把住云。師兄。向甚麼處去。鼓山云。九重城裏去。子云。忽遇三軍圍閉時。如何。山云。他家自有通霄路。子云。恁麼。則離宮大殿去也。山云。何處不稱尊。子便回。謂雪峰曰。好一隻聖箭。折卻也。遂舉前話。峰云。渠語在。子云。遮老凍糞。畢竟有鄉情在。師云。衆中商量道。甚麼處是聖箭折處。云。鼓山不合。答他話。是聖箭折處。鼓山不合。說道理。是聖箭折處。恁麼批判。非唯不識鼓山。亦乃不識子老。殊

不知子。上座。正是一枚賊漢。於鼓山面前。納一場敗闕。憊憊而歸。卻未雪峰處。拔本。大似屋裏。販揚州。若非雪峰。有大人相。遮賊向甚處。容身。當時可惜。放過。卻成不了底公案。只今。莫有為古人。出氣底麼。試出來。我要問你。甚麼處。是聖箭折處。又云。舉明。招向火次。僧忽問。目前。無法。意在目前。不是目前。法非耳目之所到。未審。此四句。那句。是賓。那句。是主。明。招撥開火。云。你向遮裏。與我。拈出一莖眉毛。看。僧云。非但某甲。盡大地人。喪身失命。招云。何故。自把髻。授師云。遮僧。有頭無尾。明。招有尾無頭。若人道得。頭尾。圓全。可雲門。與你。拄杖子。又云。舉南泉。坐次。一僧。問訊。叉手而立。泉云。太俗。生僧。合掌。泉云。太僧。生僧。無語。師云。合掌。太僧。生。叉手。又俗。氣。總不恁麼。時。尊體。無損。處。無損。處。有巴鼻。掩。蘇。曾。蘇。曾。悉。喇。悉。喇。喝。一喝。云。是。甚麼。近。來。王。令。稍。嚴。不。許。攙。行。奪。市。又云。三十年來。弄馬騎。今朝。卻。被。驢。兒。顛。就地。拾得。麗水。金。拈。起。卻是。新羅。鐵。報。諸人。別。不。別。夜。來。雪。壓。雲。門。凍。得。烏。龜。成。籠。又云。夜。來。元。子。趕。大。蟲。天明。走入。無。何。有。月下。珊瑚。長。數。枝。萬。象。森。羅。齊。稽。首。慕。拈。拄。杖。云。拄。杖。子。不。啣。嚙。渠。儂。卻。善。分。妍。醜。李。公。爛。醉。絕。倒。時。元。是。張。公。喫。村。酒。報。諸人。急。回首。切忌。癡。狂。外。道。走。又云。舉。麻。谷。持。錫。到。章。敬。逸。禪。林。三。更。振。錫。一下。卓。然而。立。師云。

永樂大典

卷一三一九〇

純綱打就土鐵鑄成敬云是是師云錦上鋪花三五重谷又持錫到南泉  
逃禪林三市振錫一下卓然而立師云已納敗闕了也泉云不是不是師  
云柳上更著扭谷云章敬道是和尚為甚麼道不是師云愁人莫向愁人  
說泉云章敬則是汝不是此是風力所轉終成敗壞師云試把火照看  
南泉面皮厚多少復召大眾云雲門任麼批判且道肯佗不肯佗又云  
舉南嶽和尚遣僧問馬祖云作麼生祖云自從胡亂後三十年不曾少鹽  
醬師云雲門即不然夜夢不祥書門大吉又云俊鷄不打雞邊克猛虎  
終不食伏肉毛頭星現北斗前把斷天關并地軸又云舉僧問雲峯如  
何是心地法門峯云不從人得時如何峯云此去衡陽不  
遠師云雲門即不然如何是心地法門不從人得不從人得時如何看脚  
下又云以字不成八字非爍迦羅眼不能窺一毛頭上重拈出忿怒那  
吒失却威又云一句中共三玄門一玄門有三要路臨濟小斯兒只共  
一隻眼四方八面來只打中間底卒風暴雨時向古廟裏禪得過與化老  
凍膿全未夢見在至道無難唯嫌揀擇是時人窠窟趙州古佛直得五年  
分疎不下灼然鵝王擇乳素非鴨類有佛處不得住無佛處急走過三千  
里外逢人不得錯舉揭卻腦蓋換卻眼睛汝等諸人不用鎖龜打瓦百丈

永樂大典卷一萬三千一百九十

十五

被馬祖一喝直得三日耳聾作麼生圖度切忌停因長智恁麼也不得不  
恁麼也不得恁麼不恁麼總不得舍元殿裏休問長安莫認驢鞍橋作阿  
爺下領既然如是向遮裏說高高峰頂立深深海底行得麼香象渡河截  
流而過得麼如金翅摩海直取龍吞得麼既不許恁麼如今不免且作死  
馬醫驀拈拄杖卓一下云太陽溢目萬里不挂片雲超佛越祖之談已為  
掃來填溝塞壑了也且道清平木杓菰籬井索錢貫雪峰毘毘木山打鼓  
畢竟向衲僧分上成得箇甚麼邊事還委恁麼莫待是非來入耳從前知  
已反為隣復卓一下喝一喝善友請示衆心空及第無階級直下忘懷  
罪性空一念廓然三際斷千差萬別盡圓通又云針鋒頭上透天關著  
意忘懷兩不堪直下早踰十萬劫即今成佛未同參所以雪峰道望州亭  
與汝相見了也烏石嵐與汝相見了也僧堂前與汝相見了也若是靈利  
漢脚聞舉著剔起便行更不周由者也還委恁麼出頭天外看誰是我般  
人又云雲門昨日晝寢夢來一葉輕舟泛東大洋海騎新修佛殿入蟻  
蟻穴中遙選行到十字街頭萬人叢裏見一隊獐項衲僧口裏談玄演妙  
舉古明今說靈雲見桃花悟道香巖聞擊竹明心雪峰連年鞞毘木山長  
時打鼓事存函蓋合理應祈鋒拄方作此夢忽然被人驚覺元來卻是嘉



通聚三上座。鞵履作聲。雲門雖然眼開。猶在夢中未醒。三上座近前作禮。曰。請和尚來。日為衆說禪。雲門夢裏應。渠曰。諾。今日擊動法鼓。大眾上床。且道說箇甚麼。即得。昨日夢說禪。如今禪說夢。夢時夢如今。說底說時說昨日。夢底昨日。合眼夢如今。開眼夢諸人。總在夢中聽。雲門復說夢中夢。良久云。驢唇先生開口笑。阿修羅王打教跳。海神夫卻夜明珠。擊破彌盧穿七竅。三人上座請談禪。平地無風浪拍天。禪禪不用思量。卜度非干文字語言。仰之彌高。鑽之彌堅。巖頭刻之則曰。是非可。臨濟用之則曰。三要三玄。禪禪吞卻栗棘蓬。透出金剛圈。休論趙州老漢庭前柏樹子。莫問首山新婦騎驢阿家牽。但請一時放下。着當人本體。自周圓。召大眾云。且作麼生說箇周圓底道理。夢裏明明有六趣。覺後空空無大千。喝一喝。又云。舉一不得。舉二放過一着。落在第二。遇貴則賤。遇賤則貴。舉著磕著。沒處回避。南嶽天台去路通。君向西兮我向東。風從虎兮雲從龍。喝一喝。云。拈起巖箕。別處春。煎茶銚不同。又云。舉僧問雲門。如何是道門。云。透出一字。師云。透出一字。卻不相似。急轉頭來。張三李四下座。又云。舉教中。道士滅滅已。寂滅現前。師云。真主無可主。真滅無可滅。寂滅勿現前。蝦蟆吞卻月。又云。舉僧問趙州。百骸俱潰散。一物鎮長靈。時如何。

永樂大典卷一萬三千九百九十九

十六

州云。今朝又風起。師云。今朝又風起。鬧處莫揮。蒲觸著。鬧羅王帶累。陰司卷。又云。舉法眼問。覺鐵背近。離甚處。覺云。趙州。眼云。承聞趙州有柏樹子。話是。否。覺云。無。眼云。住。未。皆謂僧問。如何是祖師。西來意。州云。庭前柏樹子。上座。何得道。無。覺云。先師實無此語。和尚莫謬。先師好。師云。若道有此語。蹉過。覺鐵背。若道無此語。又蹉過。法眼。若道兩邊都不涉。又蹉過。趙州。直。說。總不。忘。麼。別有。透。脫。一。路。入。地。獄。如。箭。射。畢。竟。如。何。舉。起。拂。子。云。還。見。古。人。麼。喝。一。喝。又云。舉。青。原。思。和。尚。問。六。祖。當。何。所。務。即。不。落。階。級。祖云。汝曾作甚麼。來。思云。聖諦亦不為。祖云。落何階級。思云。聖諦尚不為。何階級之有。祖深器之。師云。莫將閑話。為閑話。往往事。從閑話。生。又云。舉。龐。居士。問。靈。照。女。明明。百草頭。明明。祖。師。意。作。麼。生。會。照。云。遮。老。漢。頭。白。齒。黃。作。遮。箇。見。解。居。士。云。你。作。麼。生。照。云。明。明。百。草。頭。明。明。祖。師。意。師云。龐居士。先行。不到。靈。照。女。未。後。太。過。直。饒。齊。行。齊。到。若。到。雲。門。一。坑。埋。卻。且。道。過。在。甚。麼。處。明。明。百。草。頭。明。明。祖。師。意。又云。舉。雲。門。云。百。草。頭。上。道。將。一。句。未。展。無。語。自。代。云。俱。團。悟。老。師。云。劄。師云。普。復。云。俱。劄。普。日。輪。千。季。將。軍。射。石。虎。雖。然。透。過。那。邊。枉。發。千。鈞。之。弩。又云。舉。僧。問。趙。州。四。山。相。逼。時。如。何。州。云。無。路。是。趙。州。師云。無。路。是。趙。州。老。將。足。撥。善。閑。



南并塞北當下一時收。又云舉僧問趙州如何是祖師西來意。州云庭前柏樹子。僧云和尚莫將境示人。州云我不將境示人。僧問如何是祖師西來意。州云庭前柏樹子。師云庭前柏樹子。今日重新舉。打破趙州關。特地尋言語。既是打破關。為甚麼卻尋言語。當初將謂茅長短。燒了元來地不平。後上座請示。舉拈拄杖卓一下云。文殊普賢觀音彌勒。又卓一下云。迦葉阿難寒山拾得。又卓一下云。只恁麼。全是中。全非又卓一下云。不恁麼。全非。中。全是。如來說一合相。即非一合相。是名一合相。放過一著。文後上座好與三十棒。且道是實。他是對。他擲下云。具眼衲僧。試定當看。又云。舉外道問佛。不問有言。不問無言。世尊良久。外道讚歎云。世尊大慈大悲。開我迷雲。令我得入外道。去後阿難問佛。外道有何所證。而言得入。世尊云。如世良馬。見鞭影而行。雪竇云。邪正不分。過由鞭影。師云。邪正兩分。正由鞭影。又云。即心即佛。莫妄求。非心非佛。休別討。紅爐竈上雪花飛。一點清涼除熱惱。又云。行不到處。說不難。說不到處。行不難。行說難。到不難。到拈卻門前大茶山。所以道。靈鋒寶劍常露現。前亦能殺人。亦能活人。進前則喪身。失命。退後則瓦解冰銷。不進不退。上無衝天之計。下無入地之謀。正當恁麼時。作麼。上是衲僧轉身一路。還委恁麼。好手手中呈。

好手紅心。心裏中紅心。又云。舉僧問趙州如何是趙州。州云。東門南門。西門北門。僧云。不問遮箇。州云。你問趙州。贊師云。遮僧問趙州。趙州答。趙州得人一馬。還人一牛。人平不語。水平不流。會麼。受思深處。宜先退。得意濃時。便好休。善友請示。舉妄心顛倒。造諸業。回趣真乘。即懺摩。真妄兩頭俱透脫。海南東畔。是新羅。又云。舉百丈。凡參次。有一老人。常隨眾聽法。眾人退。老人亦退。忽一日。不退。丈遂問。面前立者。復是何人。老人云。某甲。非人也。於過去迦葉佛時。曾住此山。因學人問。大修行底人。還落因果也。無對云。不落因果。五百主墮野狐身。今請和尚代一轉語。貴脫野狐身。老人遂問。大修行底人。還落因果也。無。丈云。不昧因果。老人於言下大悟。便脫野狐身。師云。不落與不昧。半月兼半晦。不昧與不落。兩頭空索索。五百生前箇野狐。而今冷地。謾追呼喝。一喝云。座中既有江南客。休向樽前唱鷓鴣。又云。舉道吾與新源。至一家。弔慰。源拊棺云。生耶。死耶。吾云。生也不道。死也不道。源云。為甚麼不道。吾云。不道不道。回至中路。源云。和尚快與某甲道。若不道。打和尚去。吾云。打即任打。道即不道。師云。生也不道。死也不道。公案兩重。一狀領到。露刃吹毛。截斷綱要。脫卻鷓鴣。臭衫。拈了。炙脂帽。大生當軒。氣活活。喝一喝下座。又云。舉僧問睦州。一言道盡時如何。

州云老僧在佻鉢囊裏又問雲門一言道盡時如何門云裂破師云或有人問山僧一言道盡時如何遮漆桶又云舉僧問雲門達磨九年面壁意旨如何門云念七師云念七念七全無消息背看分明正觀難識既是正觀為甚麼難識可知禮也又云舉龐居士問馬大師不昧本來身請師高著眼大師直下觀士云一種沒絃琴唯師彈得妙大師直上觀居士禮拜大師歸方丈居士隨後至方丈云適來弄巧成拙師云且道是馬大師弄巧成拙龐居士弄巧成拙還有縑素得出者麼若縑素不出願馬繫枯椿直繞縑素得出也是鞞口裏一粒椒又云舉龐居士云心如境亦如無實亦無虛有亦不管無亦不拘不是聖賢了事凡夫師云白的是清寒寒水不能濡火不能燒是箇甚麼切不得問著問著則瞎卻你眼以拄杖擊香臺一下又云舉古德云佛法也大有只是舌頭短師云向道莫行山下路果聞猿叫斷腸聲蔡春卿薦考請示舉洛浦示衆云孫賓收鋪去也有卜者出來時有僧出曰請和尚上一浦云汝家爺死僧無語法眼代拈掌三下師云遮僧沒興死卻爺又被佗人拈掌信知禍不單行福無雙至然洛浦善上法眼善斷若仔細思量文象吉凶二老一時漏逗既占得火風鼎卦何故斷作地火明夷雲門即不然拈拄杖云孫賓

永樂大典卷一萬三千二百九十

十八

門下死卻郎罷連卓三下云會麼內屬良宮再求外象又卓三下云千靈萬聖萬聖千靈莫順人情復卓一下云吉山上卦入菴示衆恁麼恁麼理隨事變不恁麼不恁麼事得理融恁麼中不恁麼寬廓非外不恁麼中卻恁麼寂寥非內寂寥非內也觀法界於一塵之中寬廓非外也見一塵徧法界之內無始無終無前無後無古無今一時清淨便恁麼去止宿草菴且在門外何故猶是教未極則未是衲僧本分事直須恁麼中不恁麼不恁麼中卻恁麼直下便捏到遮裏直得三世諸佛諸代祖師天下老和尚無摸揀處更說甚麼內說甚麼外說甚麼理說甚麼事說甚麼法界說甚麼一塵以拂子擊禪牀一下云若向遮裏證得去在內不寂在外不常在無不滅在有不增不住兩頭不居中位乾拳舉一不得舉二放過一着落在第二腔州蓋于落地標于成七片有甚麼過良久喝一喝云任大也須從地起更高爭奈有天何復舉僧問巖頭三界親時如何頭云坐卻着僧云未審師意如何頭云移取廬山來即向汝道師云巖頭古佛向萬仞崖頭垂手摸湯爐炭裏橫身蓋為慈悲之故有落草之談今日若有人問雲門三界親起時如何只向佗道快便難逢未審師意如何移取廬山來即向汝道細菴林司法為考大祥請示舉福城東有大長者居福

城東海嶼上於不思議塵劫中承事供養無數佛善哉長者世希有如優曇華時一現發啓廣大真實心初無佛處阿蘭若若昔智人建梵刹折草擇地即成就此心堅固等須彌或讚或毀不搖動魔王軍衆數甚多觀茲殊勝自摧伏長者視身如浮雲變滅須臾不長久當主佛國時節未撒手便行不回頭有子遵義起其家志願身心俱及第仁者則壽語不誣當知今亦未嘗死我未居是阿蘭若不見長者生道恨故說此偈聊發揚同住如來寂滅海小漢雲門卷示報舉波斯匿王問世尊勝義諦中還有世俗諦否若言其有智不應一若言其無智不應二一二之義其義云何世尊答曰汝於過去龍光佛所曾問此義我今無說汝亦無聞無說無聞是名一義二義師云大小釋迦老子被箇俗漢等閑拽轉鼻孔直得分疎不下今日或有人問雲門勝義諦中還有世俗諦否若言其有智不應一若言其無智不應二一二之義其義云何且作麼生支遣良久云拈一枝草建梵刹破妄想塵出經卷院益廣大諸有情成就無邊希有事暮拄拄杖卓一下云梵刹已建妄想塵已破大經卷已出頓漸偏圓權實半滿一一分明種種法門種種方便種種智慧種種因果種種殊勝種種行願種種莊嚴只在檀越給事一毛端上以妙明心印一印印定運信得从麼若信

得及即今成佛不假修治非但檀越給事如是乃至過現未來微塵諸佛諸代祖師古往今來一切知識天下老和尚舌頭亦以此印印定無異無同一妙明一一具足情如是行成如是事滿如是願獲如是福無古無今無終無始無成無壞無悟無迷如是了達如是證入如是究竟亦只在檀越給事一毛端上下真善財入彌勒樓閣塵沙法門一時頓證無量功德偏處莊嚴如帝網交光互相融通互相攝入互為主伴一一周匝一一無偏普今無數善心不善心衆生觀諸殊勝皆發無上正等菩提之心生希有想非但檀越給事如是雲門今日亦如是非但雲門與給事如是現前僧俗大衆一一平等一一無差一一如是正當恁麼時且道是勝義諦耶是世俗諦耶是有耶是無耶是一義耶是二義耶是說耶是無說耶是智耶是無智耶是聞耶是無聞耶試斷看若斷得出檀越給事建大寶坊作大佛事功不磨損若斷不出雲門為蛇畫足去也擲下拄杖拍禪牀云透過鐵圍山北斗而南看陳氏為考妣懺塔請示衆普賢身相無有二八萬四千方孔利一一毛孔一如來一一如來一塔廟舍利堅固金剛身虛空可壞此不朽女子陳氏報劫業一一塔廟一瞻禮滿足八萬四千拜盡諸毛孔無有遺所獲功德不可量正與普賢行願等用履慈父及慈母



攝及法界諸有情永離苦海證菩提得真空超彼岸中奉本禪師聖節  
 云聖節示教大哉乾元至哉坤元一氣含容萬有民無得而名焉功高列  
 聖之上德邁羣王之先湯湯乎用大龜龜乎體堅龍抱九重天上日真光  
 垂照萬斯年大衆運知慶即日瑞分利土春滿寰區大昆盧頂分身優曇  
 鉢華吐談以故天下稱之為聖人之佳節也但生植於天地之間者莫不  
 被其澤惟我釋氏之流被其澤之尤者也何以為然蓋孤虛柔弱而不能  
 自立也言孤則遠離親族不營世家言虛則寄食檀門栖遲林麓言柔則  
 潛心空寂守節循規言弱則守護性真不與物競自非聖人不忘佛屬曲  
 盡外護則僧園資具安敢自稱常住而不遭陵奪於他人之手乎由是吾  
 儕安居暇食一時一刻咸出聖恩雖天覆地擎不足云喻使盡形求法終  
 身向道至若忘軀畢命亦不足以酬其萬分之一豈容懈怠懶墮虛延白  
 晝而更馳情於利欲者乎茲遇聖節曲引微忱以相勉勵記得後唐莊宗  
 皇帝問興化和尚云朕收中原獲得一寶只是無人酬償化曰請陛下寶  
 看帝乃引手舒幘頭脚化曰君王之寶誰敢酬償龍吟雲起虎嘯風生則  
 不無莊宗興化若曰酬中原寶價至竟未曾定奪臣僧遂對天庭輒成一  
 偈蓋天蓋地中原寶無古無今塞大虛價重乾坤酬未得佇看皇化越唐

永樂大典卷二萬三千百九十

虞又云瞻在前忽在後竹鷓鴣晝啼華綠夜吼未了聽一言如今誰動口嗟  
 夫學人將此一等言句作箇相似底道理商量把自家一片潔白田地添  
 這般野狐涎沫野污了也却不想古人開口處如大火聚如大風輪無偏  
 湊泊處又如吹毛利劍等閑拈出直欲要斷人命根此豈可以心意識卜  
 度而為得哉若然則阿難不做再修二祖不勞斷臂何則彼阿難二祖聰  
 慧過人意識明了如汝所解者彼豈未聞耶蓋是心不妙悟見地不脫若  
 見地不脫則動是情意識輟作一團在處依草附木承虛接響致使上味  
 醍醐蘊在伊不淨器中變成毒藥一切時中如箇不解脫鬼相似見人說  
 心說性便乃扶羅摸壁漉泊將去纔見有人舉起沒巴鼻捩轉面皮突出  
 牙爪處未免意識不行便乃渾侖吞棗如此等人日用一心中常有二主  
 互相起滅有時緣般若則忘世諦或緣世諦則忘般若自不知是腳跟下  
 蹉過却謂我工夫未熟履踐未純而然便乃精修白業作有漏因以為資  
 助又有一等顛預佛性儻侗真如者日用過一切境界只作一箇道理硬  
 自排遣乃至破律儀犯禁戒皆無忌憚及乎弄到差別境中排遣不行處  
 自不知是當面著護却謂我力量未充聞見不廣而然便乃參求古教該  
 博見聞又或忘形死心停機息念以資狂慧如上二種學者蓋為自無正

念况是打頭不曾遇着箇咬猪狗子脚底宗師與之滌蕩生在病中不自覺知終日肆口而談縱古而辯總是隔靴抓癢如此參學要與生死岸頭一念相應如吹網欲滿非憑即狂也近世為人師者往往不能窮其源底但欲學人速得知解煖熱門庭多將箇瑞巖主人公臨濟無位真人即心是佛他是阿誰等語與人打交輟亦不顧他立脚未穩生恐他不能領解又向他道赤底是誰學底是誰要見本性底是誰六欲他便向這裏認箇光影使其擎拳豎指進前退後不離當處便是西來本意矧乎學人不識好惡墮地窠臼如油入麵不得出頭識可哀憫良由不知衆生心中圓淨湛然元無汚染只為情生智隔想變體殊一妄警與萬緣各立外則妄見山河大地明暗色空內則妄見四大五蘊見聞知覺乃至八萬四千塵勞及與菩提真如涅槃佛性等相皆不出此一妄而有然此妄念若欲去除直須是工夫純熟脫落根蒂坐斷聖凡劃然開悟不則直繞偏見起二祖慧過阿難正是坐在第八識中以識去識以妄遣妄如避身影於日中滅服華於空裏徒自勞神轉成差別所以從上諸老宿不柰伊何拈出一把折柄刀刺在伊命根上待伊捱到轉身不得處奮命一撲卒地斷爆地折妄消想滅見謝執忘便見森羅萬象廓爾平沉開見覺知當處解脫乃至

併百千世界融歸一心自然法法全具頭頭顯露然雖如是若要向衲僧面前開口吐氣更須朝打三千暮打八百待伊死枯骸上活眼重開方有語話分。大都是無量劫中生死根本今日要與一期和盤翻轉豈易事哉如其不爾爾但以妄想心生妄想見忽忽草草認箇月前鑑覺昭昭靈靈喫飯著衣開口動舌底喚作自己又妄認山河大地鶻噪鴉鳴風動塵起處喚作法身却不想命根未斷見地不脫坐在六塵緣影裏不肯知非有時被人說箇不是便乃牽引古人談玄說理處從頭印過只與麼茅纏紙裏依稀彷彿輾過一土運到臘月三十日四山交逼真境現前換却眼睛從前認底認昏不是了也到這裏甘聽處分啞臍何及然後招妄談般若欺罔聖賢之報百利千生受諸苦楚如此等事從古至今賺人多矣豈不見古人有偈云學道之人不識真只為從前認識神無量劫未生死本癡人喚作本來人本上座到這裏事不獲已更為伊與古人翻款去也學道之人不識真用識作麼只為從前認識神也不較多生死本即不問如何是本來人喝一喝切忌錯下註脚 湖州弁山幻住禪菴云生從何處來崑崙騎象舞三臺這裏見得便見四大已具來實無來四大分離去實不去乃至苦樂逆順是非得失皆是現行三昧山河大地明暗色空揔是自



已家珍頭頭上明物物上顯更有甚麼生死去來之相而可分別者哉雖然如是倘若不曾真箇和桶子底打脫一番開兩眼睛向威音王那畔冷地一覷覷破則未免被他山河大地四大五蘊是非苦樂一羣羣住不得自由便乃捏目生華妄陳異見即此便是生死大海中頭出頭沒不得解脫底種子直饒備隨人道得箇不來不去底道理爭奈偏目前有箇情見不忘動步生塵觸途成滯者何所以道參須實參悟須實悟然而生死習氣大都是無量劫中熏陶成熟不同小小若非真參實悟焉得有徹頭徹尾底時節兄弟家各帶一箇口款道生死事大既知是一種大事因甚麼只向他禪床角頭故紙堆裏漁獵得一言半句蘊在八識田中見人問着便乃揚眉瞬目做模打樣以為究竟若謂大事只消恁麼了得拈華微笑斷臂安心只成戲劇耳又安得遺光百世照映叢林諸仁者倘若真實要洞明此一段大事直須發大心立大志將平生見聞情解虛妄覺知之心拈向一壁待他胃次中空半半無依倚時驀提起箇崑崙騎象舞三臺是甚麼道理這裏須是把做一件無大極大底一等大事猛著精神與之厮捱晝夜六時不得放舍然參禪要具三種心第一具大信心第二具了生死心第三具不退轉信心信得及則始終不感生死切則用心必至不退

轉則決定成就三心既具則十二時中無虛棄底工夫既不虛棄則念念爾心心爾塵塵爾利爾忽然向用心不及處著力不得時和箇信得及底了生死底不退轉底一時打夫當體洞明如十日並照間不容髮說甚麼崑崙騎象舞三臺縱饒一千七百則葛藤不直一笑而冰釋矣即此便是真參實悟底時節恁時不妨於山河大地四大五蘊中如香象玉擺脫儀以獨步大方遊行自在豈不超歟是則是矣更須知有祖師門下衲僧面前換轉眼睛突出牙爪一著子猶隔天涯在平江路馬蕩幻住禪菴云慧劍單提日用中天然元不犯磨磨神號鬼笑喪魂膽遍野橫屍不露鋒古人與麼說話已是自傷已命了也殊不知我三庫內無如是及嗟夫參學之士不知此心空寂本來清淨於一切法元無取捨只貴翻身一擲抹過太虛脫體無依隨處自在更說甚麼生死涅槃真如煩惱猶如昨夢何有於我哉到這裏却不妨從空放下更就他尊宿痛鉗鎚下煅鍊一回等閑伸出三頭六臂將從上差別因緣贊訛公案縛作一束拋在他方世界之外便乃索空雙手向關市門頭孤峯頂上現神通十八變使他依門傍戶者所願有分所以達磨西來謂之單傳直指初無委曲後來法火成弊生出異端或五位君臣四種料揀三關九帶十智同真各立門庭互相



提唱雖則一期建立却不思賺他後代兒孫一箇箇渾身墮在參天荆棘中枝上攀枝蔓上引蔓但見葛藤遍地無有出期這到頭白面黃忽然命根子於欲斷未斷之際返思從前知解毫髮無靈甘赴死門悔將奚及近代叅林如此叅學者波蕩風靡十人而九矣於戲望他法社之興叅席之盛其可得哉間有真叅實悟底尊宿出興于世欲拯救此弊無處發藥不得已於第二門頭別開一路將箇無義味話頭放在伊八識田中只待伊奮起根本無明發大疑情猛利無間縱致喪身失命亦不放捨久久純熟自然入法空心境寂能所忘情識盡和箇話頭一時忘記暫爾向不知不覺處蹉口一敲百雜粉碎轉得身來信口道信步行觀體純真初無揀擇全主救於一莖草上空古今於三寸舌頭豈與他順未填墨者同日而較其得失哉然則恁麼為伊亦是作死馬醫了也倘不更向這裏磨礱志氣抖擻精神一往直前以求真脫是自棄也中間多有一等好兄弟不能堅決定志因做到不奈何無下手處著脚下牢便生退屈正此擬議驀地被牽引向冊子上論量經教中引喻不待悟明自立知見直饒論得諦當喻得明白殊不知正是依他作解障自悟門難毒入心佛亦難救更有入謂我根器狹劣卒不可到先且發菩提心興普賢願兼脩白業以為由

永樂大典卷一萬三千一百九十

二十三

漸者此等謂之孤負已靈埋沒先德又有人謂道無言而不顯體無用而不彰便乃漁獵見聞博求勝解者此等謂之癡狂外邊走又有人謂昏沉散亂似難屏除便乃息慮停機枯心死志生在蒲團上如一堆朽木相似忽然忘四大虛六情以為極則者此等謂之解脫深坑死水裏浸又有人認箇胎前靈靈靈覺者為自己法身便謂山河大地不礙眼光明暗色空无非他物一認認定此等謂之喚驢鞍橋作阿爺下頷又有人向他古人垂手處妄生穿鑿謂一句是半提兩句是全提揣摩不行處喚作向上機坐脫立亡喚作末後句中問又將古人語言透漏處從頭註解口耳相傳以為究竟者此等皆是西天九十六種之數中間差別異端不可枚舉總而言之無他蓋為當人元無正念不發真心又不曾實為生死大事無之又具叅學眼目別白邪正師法所以生在裏許不肯知非遂致紅紫亂未使他晚學初機難於趨向於是勞他先聖千緒萬端設出方便持不過為伊解其結去其縛耳今則我這裏也不敢自出見更遠引古人入道因緣為伊澄據去也要知一踏到底更無回互者但看僧問古德云學人不識佛已師指示德云我說恐爾不信僧云和尚重言爭敢不信德云即汝便是僧云如何保任德云一翳在目空華亂墜僧遂領悟這箇豈不是一

踏到底底樣子這僧自非真箇懸崖撒手直下承當安得便恁麼勒絕當時儘存毫髮許心意情識於其間便是百刳千生也無他領悟處諸人還知麼且看從頭註破學人不識佛乞師指示合取狗口我說恐爾不信作賊人心虛和尚重言爭敢不信猶自不知非即汝便是將謂有多少奇特如何保任脚跟下好與三十痛棒一劈在且空華亂墜脫賺閑浮多少人僧遂領悟三生六十劫爾諸人還知落處麼也須學這僧向已躬下一路到底始得要知持經論教談名說相者但看良遂座主見麻谷谷閉門不接遂次日再往谷復閉門遂乃扣門谷問阿誰遂擬應名忽然有省乃曰和尚莫謾良遂良遂若不來見和尚泊被姓論賺過一生谷乃印可遂歸罷講謂同學曰諸人知處良遂揔知良遂知處諸人不知鄉使談經論教可以了得則良遂不必扣麻谷之門爾看他末後道良遂知處諸人不知且不知底是何事更為伊從頭註破良遂見麻谷棄却黃金抱碌執麻谷閉門不接將謂別有長處遂乃扣門劍去久矣汝方刻舟谷問阿誰拋糠引狗擬應有省已遲八刻我若不來見和尚泊被姓論賺過一生更衆三十平谷乃印可胡麻斲繳良遂知處諸人不知依舊可憐生這裏豈是爾循行數墨依文解義底道理也須親見良遂悟處始得要知自負知見下

永樂大典卷一萬三千二百九十

二十四

視諸方者但看黃龍和尚請蓋慈明老人明問曰公學雲門禪必善其旨如雲門放洞山三頓棒是有契棒分無契棒分龍曰有契棒分明色莊曰從朝至暮鵲噪鴉鳴皆應契棒龍因措遂炷香作禮明復舉趙州勘婆話詰之龍斤下不能加吞次日又詣見明詎罵不已龍曰罵豈慈悲法施耶明日你作罵會那龍於言下大悟呈頌曰傑出叢林是趙州老婆勘破沒來由而今四海清如鏡行人莫與路為難明以手指汝字龍即易以有字明頌之黃龍未見慈明時領眾行脚氣吞湖海後雲峯悅和尚知其未到一夜激發令見慈明所以顯如是之機用也爾諸人還知麼更聽從頭註破有契棒分無契棒分點火開門照賊歸有契棒分休舊扶牆摸壁從朝至暮鵲噪鴉鳴皆合契棒拖不入了也炷香作禮墮坑落壑看趙州勘婆話且作死馬醫詎罵不已猶自口切切罵豈慈悲法施耶氣急殺人慈明當時見他恁麼道便與索性一頓痛棒打出不惟正令全提亦要使他光前絕後無端便向他道爾作罵會那致使黃龍復墮泥水便道傑出叢林是趙州少賣弄老婆勘破沒來由便是有來由也只道得一半而今四海清如鏡那裏泊行人莫與路為難猶欠悟在所以道纖毫不透如隔鐵圍自非向他毒惡鉗鏈下措磨淨盡豈有了辨底時節爾更要知多聞博覽



口耳傳受者。但看香嚴參滿山。山門曰。聞汝在百丈先師處。問一答十。問十答百。此是汝意。解識相生。死根本。父母未生時。試道一句。看嚴茫然無對。屢乞滿山說破。山曰。我若說似汝。汝已復罵我去。我說底是我底。終不許汝事。嚴即焚棄平昔所看文字。自誓此生作箇長行粥飯僧。乃入山結茅自處。一日因芟除草木。以瓦礫擊竹作聲。有省。遂道禮滿山讚云。和尚大慈。恩逾父母。當時若為我說破。何有今日之事。乃述頌曰。一擊忘所知。更不假修持。動容揚古路。不墮悄然機。處處無蹤跡。聲色外威儀。諸方達道者。咸言上上機。爾看他出詞吐氣處。豈是勉強做作得來。又豈是記持學解。口耳傳受得來。今日索性不惜口業。更為諸人註破。滿山道。父母未生時。試道一句。看賊無種。相鼓籠香嚴。茫然無對。不欠一絲毫。屢乞說破。胡餅裏討甚麼汁。我說底是我底。終不干汝事。將謂將謂元來未。嚴乃焚棄文字。結茅自處。錯擊竹有省。邪法難扶。遙禮滿山。而皮厚多少。若為我說破。何有今日之事。如何是今日事。一擊忘所知。那裏學得來。更不假修持。遠在動容揚古路。礙塞故人。不墮悄然機。未敢相許。處處無蹤跡。要眼作麼。聲色外威儀。莫謗他好。諸方達道者。那箇是。咸言上上機。承虛接響。所以道向自己。胷中流出。蓋天蓋地。回觀見聞學解者。又何翅以十較百。

以十較萬矣。乃至聖賢應世。所有遺言。往往皆歷代之元龜。百世之師法。於此可不發深省哉。是明是矣。須知男兒自有衝天志。不向古人行處行。且作麼。主是衝天志。咄。不是知音徒勞側耳。示衆雲門話。墮趙州勘婆。唯之與阿。相去幾何。焦尾錦鱗。躍開地網。摩空俊鶴。透過天羅。不動一塵。知落處。二千年事。不爭多。還會麼。如或不然。更為偏重。下註脚。記得雪竇和尚頌。為道日損。有偈云。三分光陰。二早過。靈臺一點。不措磨。貪生遂曰。區區去。喚不回頭。爭奈何。折來籬補西障。回地軸。轉天關。在雪竇。則不無事。奈此四句。遣人檢點。三分光陰。二早過。向甚處去也。靈臺一點。不措磨。無偏下手處。貪生遂曰。區區去。何處不稱尊。喚不回頭。爭奈何。直得分疎不下。高高峯頂行。擡脚不起。深深海底坐。打衣不濕。雪竇平地上。把人埋沒。撚指二百餘年。今古之下。乏人點檢。幻住也。有一偈。還有檢點者麼。須早出來。不然。則就與拈出去也。三尺黑蛇。眠暗室。一雙白鼠。嚙枯藤。家山咫尺。無行路。有底閒情。逐愛憎。師子正宗。禪寺示衆。所起之因。既的。所期之果。必親。所操之志。惟真。則其所詣之地。不期實而實矣。教中謂三世如來。咸為一大事。因緣出現于世。欲令衆生。開示悟入。佛之知見。謂佛知見者。乃破生死根塵之利具也。佛祖諦觀。三界諸微塵刹。滿中衆生。無一



判那而不受生，無一刹那而不變滅，浩浩乎不可以數計也。而况妄情起滅，判那不住，生死之理，豈細事故。由是佛祖表之於大寂定中，隨其迷妄為轉法輪，休處休緣，多立名字，謂之華嚴法華，謂之楞嚴圓覺，乃至菩提涅槃，真如般若，正法眼藏，涅槃妙心等，一依此心建立，名常異而體常同也。名異故方便善權，體同故不離本際，必欲衆生悟本際，越生死情妄而後已。凡學者跨門靡有不以為生死事大，無常迅速而為辭者，遂扣其所以或者茫然無所加對，或者謂自出母胎，至命光還謝，其生不知來，死不知去，是生死也。又或指終日竟夜，念慮連流，後念倏生，前念忽滅，取舍去來紛然，無緒寢興變化，未嘗暫歇，皆一死也。是說不越分段變易，二種生死極理原之，皆枝葉爾，非根本也。謂根本者，性真圓明，本無生滅，去來之相，良由不覺暫起妄心，迷失本源，虛受輪轉，以故教中謂迷之則生死始悟之則輪回息，蓋根乎迷而本乎妄也。楞嚴會上，富樓那問清淨本然，云何忽生山河大地，此問蓋迷真起妄，成立生死之因。佛答以大地山河皆如來藏，乃逆妄旋真，破除生死之要旨也。以迷故引妄入心，積集倒見，圓覺喻之如四方易處，迷妄在眼下，惟所見之色，是生死以至離種種色象，純見於空空，亦是生死迷妄在耳，不惟所聞之聲是生死，乃至離聲即寂。

當知其堪寂無聞，亦是生死。以至意緣善惡，不惟惡是生死善，亦未嘗不是生死，積為念慮，非惟動念是生死，至于息念亦是生死。以緣配之，不惟染緣是生死，其淨緣亦是生死。以覺論之，不惟不覺是生死，其念起即覺亦是生死。仰而觀之，謂之謂天，俯而視之，謂之謂地，廣而窺之，謂之法界。大而量之，謂之謂虛空，揔不出見分皆生死也。當知此心未即了悟，使其立地成佛，要且亦在生死網中。原夫生死之大，欺凡壓聖，籠古罩今，未有一法不遭其淪溺者。以故目之曰大事。因緣有等，闡提漢，聞說箇生死，乃掉頭不顧，遂引經書文字中相似語言，謂法性情淨，猶若虛空，世界壞時，此性不壞，圓滿湛寂，迥絕動搖，聲色全真，見聞不昧，所謂佛身無為，不墮諸數，何處更覓生死去來之跡。有問主從何處來，便道水流元在海，死向何處去，遂謂月落不離天，似此等見解，與作契鐵棒，陷鐵圍之張本備，若不曾向真實法中，脫然超悟，更於悟外，別立生涯，不存窠臼，豈堪於生死岸畔，立得脚牢。苟或纖毫不盡，未免復為勝妙境界，感在那邊，起諸異想。雖曰曉了，其實未然。古所謂努力令生，須了却，莫教永利受餘殃。又云八十公公八場屋，真誠不是小兒嬉，惟有痛以生死大事為己重任者，一切時中，卓卓地單提此事，蘊之方寸，向三根椽下，淹沒三十年二十年，宛同一日，於

# 永樂大典

卷一三一九〇

大方之外闊跨三千里五千里不問絲毫廢棄食忘寒暑耐寂寞禁熱煉  
浪愛憎離順逆空能所融是非死盡偷心方堪淡泊古人謂參禪一著要  
敵生死不是說了便休前輩參禪大有樣子一一皆是竿頭進步撒手懸  
崖豈嫌冷死中得活備嘗艱苦不憚勤勞挫銳解紛埋光錐彩不肯以  
小成近効而生自足之心蓋知生死根塵大於虛空廣於法界况是歷涉  
多生熏鍊成熟纖毫不盡便是鐵圍所以立志如敵萬人一步要跨千里  
盡形骸面皮鐵石窮歲月肝膽冰霜忘利養於念端空名位於世表無念  
尚虞滯跡有佛安得肯為非效學而能蓋真實為生死者曾不期然而然  
矣今人反是才跨門來立脚未穩以聰明之資打頭連得箇自性離生滅  
真身絕去未底規成說話以為本柄自己脚跟下未曾卒地折爆地斷底  
一條生死命根置之無事甲中取性向佛祖頂額上高擡大抹自謂禪學  
理應如是奈何實地上工夫未曾親到不知據廣床說大話打圓相卓鳥  
藤一一皆與生死根塵交光接影而况心塵易墮識馬難調愛見之習潛  
興貪妄之情默運輪回未斷而益熾生死未空而愈滋叢林衰替法社荒  
涼未有不本於此者所謂不是說了便休斯言豈欺人哉蓋實有如是事  
也爾不思為生死根塵籠絡在塗炭中一日一夜萬死萬生形飄劍戟業

永樂大典卷一萬三千一百九十

二十七

墜火湯改頭換面備嘗楚毒這箇都是墮生死惡道底家常茶飯無量劫  
來不是不曾經歷今日要將此根深帶到底生死牢關一回翻轉豈易事  
哉更若顧利害較得未擇甘辛存取舍則生死根塵又將接續去也或者  
謂長轉派浪且置之不問輪回生死不由起悟還有休息之特節也無對  
曰譬如猛風吹海欲其波浪自息豈可得乎其生死苟有自息之時則佛  
祖不須興慈運悲曲施方便一至於此也是故塵沙可數而生死莫知其  
數量滄溟可飲而生死莫知其邊涯當知無量劫來為生死流轉至于今  
身於苦於樂以昇以沉竟莫知其幾矣以迷妄所蔽不自覺知只據現量  
較之却似今日方從頭起當知未來泪洩浩無邊涯推其所因非天降非  
人與一由迷妄所致好越今日身強力健提起箇無義味話頭猛奮精神  
一踏到底恁時說有生死也得說無生死也得回古風於剎那播玄機於  
當念如杜士屈臂師子遊行豈小根劣器者所能擬哉傳燈錄大寂道一  
禪師示衆云道不用修但莫汙染何為汙染但有生死心造作趣向皆是  
汙染若欲直會其道平常心是道謂平常心無造作無是非無取捨無斷  
常無凡無聖經云非凡夫行非賢聖行是菩薩行只如今行住坐臥應機  
接物盡是道道即是法界乃至河沙妙用不出法界若不然者云何言心



地法門云何言無盡燈一切法皆是。心法一切名皆是。心名萬法皆從心。主心為萬法之根本。經云識心達本源。故號為沙門。名寄義等一切諸法。皆等純一無雜。若於教門中得隨時自在。建立法界。盡是法界。若立真如。盡是真如。若立理一切法。盡是理。若立事一切法。盡是事。舉一千從理事。無別盡是妙用。更無別理。皆由心之迴轉。譬如月影。有若干真月。無若干諸源水。有若干水性。無若干森羅萬象。有若干虛空。無若干說道理。有若干無礙慧。無若干種種成立。皆由一心也。建立亦得。掃蕩亦得。盡是妙用。妙用盡是自家。非離真而有立處。立處即真。盡是自家體。若不然者。更是何人一切法。皆是佛法。諸法即解脫。解脫者即真如。諸法不出於真如。行住坐卧。悉是不思議用。不待時節。經云。在在處處。則為有佛。佛是能仁。有智慧。善機。情能破一切衆生疑網。出離有無等縛。凡聖情盡。人法俱空。轉無等輪。超於數量。所作無礙。事理雙通。如天起雲。忽有還無。不留礙迹。猶如畫水成文。不生不滅。是大寂滅。在纏名如來藏。出纏名大法身。法身無窮體。無增減。能大能小。能方能圓。應物現形。如水中月。滔滔運用。不立根。我不盡有為。不住無為。有為是無為。家用無為。是有為。家用。不住於依。故云。如空無所依。心生滅。義心真如。義心真如者。譬如明鏡。照像。鏡喻於心。

永樂大典卷二萬三千一百九十

二十八

像喻諸法。若心取法。即涉外因緣。即是生滅。義不取諸法。即是真如。義聲聞。聞見佛性。菩薩眼見佛性。了達無二。名平等性。性無有異。用則不同。在迷為識。在悟為智。順理為悟。順事為迷。迷即迷自家本心。悟即悟自家本性。一悟永悟。不復更迷。如日出時。不合於冥。智慧日出。不與煩惱暗俱。了心及境界。妄想即不生。妄想既不生。即是無生法忍。本有今有不假脩道。生禪。不脩不生。即是如來清淨禪。如今若見此理。真正不違諸業。隨分過生。一衣鉢。坐起相隨。戒行增薰。積於淨業。但能如是。何慮不通。久立諸人珍重。洛京荷澤神會大師云。夫學道者。須達自源。四果三賢。皆名調伏。辟支羅漢。未斷其疑。等妙二覺。了達分明。覺有淺深。教有頓漸。其漸也。歷僧祇劫。猶處輪迴。其頓也。屈伸臂頃。便登妙覺。若宿無道種。徒學多知。一切在心。邪正由己。不思一物。即是自心。非智所知。更無別行。悟入此者。真三摩提。法無去來。前後際斷。故知無念為最上乘。曠徹清虛。頓開寶藏。心非生滅。性絕推遷。自淨則境慮不生。無作乃攀緣自悉。吾於昔日。轉不退輪。今得定慧。雙脩。如拳如手。見無念體。不逐物生。了如來常。更何所起。今此切質元。是真常自性。如空。本來無相。既達此理。誰怖誰憂。天地不能變其體。心歸法界。萬象一如。遠離思量。智同法性。千經萬論。只是明心。既



不立心即體真理都無所得。諸學衆無外馳求。若最上乘。應當無作。珍重。靈實語錄。丫角女子曰。頭絲報你。諸方作者。知借問住山。何境界。春風  
曉曉。春鳥喧喧。翠峯不  
能助發心印。却是他傳。

永樂大典卷之一萬三千一百九十

永樂大典卷一萬三千一百九十

二十九

